

CLEMENS PAPA XI.

AD FUTVRAM REI MEMORIAM.

AD Apostolatus Nostri notitiam, non sine gravissima Animi Nostri molestia, pervenit, quod Ven. Frater Ioannes de Casal Episcopus Macaonen. tanietsi aliàs, nempe statim ac ad illius manus devenerant quadam Nostræ in simili forma Brevis Literæ, quibus ei significaveramus, Nos in illas partes ablegaste dilectum Filium Nostrum Carolum Thomam S. R. E. Cardinalem de Tournon tunc Patriarcham Antiochenum, eique munus Nostri, & Apostolicæ Sedis Commissarij, ac Visitatoris Generalis in Sinarum, & alijs Indiarum Orientalium Regnis cum potestate etiam Nostri, & eiusdem Sedis de Latere Legati, demandasse; ipse Ioannes Episcopus debitâ reverentia, atque obedientiâ, ut par erat, eiusdem Caroli Thomæ Cardinalis tunc Patriarchæ, ac Commissarij, & Visitatoris Generalis Jurisdictionem absque ulla mora agnovisset, quinimodò id ipsum per suum Edictum publicè affixum, & promulgatum, toto Literarum Nostrarum præfararum tenore inserto, palàm declarasset; nihilominus postea tam acriter, atque impudenter ipsius Caroli Thomæ Cardinalis tunc Patriarchæ, ac Commissarij, & Visitatoris Generalis auctoritatem, potestatem, ac Dignitatem, adeoque etiam Nostrâ, & dictæ Sedis Jura impetere ausus fuit, ut non modò per aliud suum Edictum vigore quarumdam asserterum Literarum sibi hac in re à Ven. Fratre Augustino ab Annunciatione Archiepiscopo Goano scriptarum, illique forsan eiusdem Augustini Archiepiscopi Edicto consimilium, quod dudum per alias Nostras in simili forma Brevis die 4. Januarij 1707. expeditas Literas nullum, irritum, atque invalidum declaravimus, publicatum, d. Corolo Thomæ Cardinali tunc Patriarchæ, ac Commissario, & Visitatori generali cuiusvis Jurisdictionis exercitium in sua Diœcesi Macaonenc. interdixerit, omnemque ei à suis Subditis obedientiæ actum exhiberi prohibuerit: Verùm etiam eius nomine à quodam Laurentio Gomez asserito illius Vicario generali adversus dilectum Filium



A

Con-

2
Constantinum à Spiritu Sancto Priorem , aliosque tunc existentes Fratres Conventus Nostræ Dominae de Gratia nuncupati Macaonen. Ordinis Eremitarum Sancti Augustini , quia ipsum Carolum Thomam Cardinalem tunc Patriarcham , ac Commissarium , & Visitatorem generalem honorificè excessissent , ad Interdicti , aliasque pœnas , & Censuras Ecclesiastici cas non minùs nulliter , quàm injustè deventum fuit. Ad hæc idem Ioannes Episcopus cò temeritatis processit , ut minimè attendens ad petram , vndè excisus fuerat , quascunque Censuras à prædicto Carolo Thoma Cardinale tunc Patriarcha , ac Commissario , & Visitatore generale latas pro irritis , & nullis habendas esse publicè declaraverit , immò etiam contra ipsum Carolum Thomam Cardinalem tunc Patriarcham , ac Commissarium , & Visitatorem generalem , in visio sanè pœnarum per Canonicas Sanctiones irrogatarum vsu , maioris excommunicationis Sententiam promulgare non erubuerit : ita planè Apostolicæ Jurisdictionis hostis , & everfor factus , qui illius custos , & vindex præcipuus esse debuisset. Præterea adeò se immemorem ostendit venerabilis Dignitatis sui characteris , ac inviolabilis Religionis illius Juris jurandi , quo se Deo , Nobis , & Ecclesiæ in suscipiendo Consecrationis munere obstrinxerat , vt Ministris , ac Officialibus Laicis eorum partium duriora quæque adversùs Dignitatem , immò etiam personam præfati Caroli Thomæ Cardinalis tunc Patriarchæ , ac Commissarij , & Visitatoris generalis molientibus se sociaverit , ac pene Dux eorum , qui Christum Domini sacrilego , ac detestabili ausu multifariam vexarunt , & fortè etiam adhuc vexant , fieri non formidaverit ; aliaque plura adversùs eiusdem Caroli Thomæ Cardinalis , tunc Patriarchæ , ac Commissarij , & Visitatoris generalis , immò potiùs adversùs Nostram , & Sedis præfate auctoritatem , ac Jurisdictionem attentare præsumpserit.

Innotuit pariter Nobis , quòd , præmissis attentis , d. Carolus Thomas Cardinalis tunc Patriarcha , ac Commissarius , & Visitator generalis , tametsi tunc Temporis in præfata Civitate Macaonen. non quidem à Paganis , sed ab Officialibus , & Ministris Christianis , nullà sacri characteris , nullà præstantissimæ suæ Dignitatis , nullà Ecclesiasticarum Sanctionum , nullà denique Jurisgentium , quod apud barba-

ras quoque Nationes Sacrosanctum, ac inviolabile est, habitū ratione, multorum militum diurnā, nocturnaque custodiā, vt captivus detineretur, alijsque acerbissimis, ac planè incredibilibus injuriis, & contumelijs, ipsis exhorrescentibus Ethnicis, afflictus reperiretur; nihilominus inter affectæ valetudinis, ac tot aliarum tribulationum, quas perferebat, incommoda, crescens quotidie magis in charitate Christi, invictoque animo illius causam agens, postquam præcipuos eiusmodi sacrilegorum excessuum adversus eius personam, ac Dignitatem commissorum Authores, ac vere iniquitatis filios, canonica severitatis mucrone percusserat, illosque, affixis publicè contra eos schedulis, maioris excommunicationis poenam incurrisse pronunciaverat: Inter alia, ad quæ, vt sua, quinimmò Nostra, & eiusdem Sedis Jura fortiter tueretur, imperterritō animo devenit; omnia, & singula per Curiam Episcopalem Macaonen. contra ipsum, eiulque Jurisdictionem gestā, vt præfertur, vtpotè impediētia exercitium muneris sibi à Nobis commissi, necnon Ecclesiasticæ libertatis, & Apostolicæ autoritatis summoperè læsiva circumscripsit, annullavit, revocavit, ac uti nulliter, attentatè, temere, & audacter facta declaravit.

Sententiam insuper asserti Interdicti in Fratres, & Ecclesiam præfati Conventus Ordinis Eremitarum Sancti Augustini, sicut præmittitur, latam, necnon quascumque Citationes, Mandata, Edicta, ac Scripturas Jurisdictionem Apostolicam quomodolibet lædentes, aut illi quoquo modo contrarias revocari, aboleri, deleri, ac pro nulliter factis, nulliusque roboris, ac momenti haberi, & habendas esse mandavit; ipsum verò Joannem Episcopum propter præmissa Censuras omnes à Sacris Canonibus, & Apostolicis Constitutionibus, ac præsertim Literis die Cœnæ Domini singulis annis legi, & promulgari solitis, contra similia perpetrantes inflictas, dampnabiliter incurrisse, illumque pro excommunicato, & à Fidelium consortio segregato, & vitando haberi, & habendum esse similiter declaravit. Post hæc cum accepisset, in eadem Civitate Macaonen. non semel adversus Pontificiæ potestatis Jura, & Ecclesiasticam libertatem convenisse in vnum, atque in tenebrarum consilia, non modò Ministros, & Officiales Laicos, sperantes auxilium in fortitudine Pharaonis, &

4
habentes fiduciam in umbra Ægypti, sed etiam eos, qui cateris lucis exempla præbere, atque utpotè de Altari viventes vel Religioso strictioris vitæ, & obedientiæ Instituto addicti, Apostolicam autoritatem præcipuè excolere debuissent, turpiter conspirasse: omnia, & singula in eiusmodi Conventibus, seu potiùs Conciliabilis Decreta, & Statuta, quæ Sedis Apostolicæ præfata, & Ecclesiasticæ Immunitatis iura quovis modo lædere poterant, vti nulla, irrita, & invalida, nulliusque roboris, & momenti pariter habenda esse decrevit, omnesque, & singulos cuiusvis status, & conditionis, sive Laicos, sive Ecclesiasticos, tam Sæculares, quam Regulares cuiuscumque Ordinis, vel Instituti, qui Conventibus, seu Conciliabilis huiusmodi interfuerant, ibique aut suadendo, aut consulendo, aut subscribendo, aut mandando, aut aliàs quomodolibet directè, vel indirectè Decretis, & Statutis prædictis consenserant, Censuras, & pœnas Ecclesiasticas contra hæc perpetrantes in Apostolis Constitutionibus, ac potissimum Literis die Cœnæ Domini legi solitis supradictis contentas incurrisse, illosque propterea pro excommunicatis, & à Fidelium gremio segregatis, & vitandis, haberi, & habendos esse denunciavit.

Novissimè demùm, è remotissimis illis Regionibus Nobis significatum fuit, illatas eidem Carolo Thomæ Cardinali Commissario, & Visitatori generali, eiusque Dignitati multiplices, ac penè inauditas vexationes, etiam postquam illic innotuerat, eum, eximijs suis ita exigentibus meritis, ad sublimem Cardinalatus honorem à Nobis evectum fuisse, minimè cessasse: præ cæteris verò supradictum Laurentium Gomez assertum Vicarium generalem Macaonen. in alium prorupisse gravissimum excessum; cum enim dictus Carolus Thomas Cardinalis ob iustas, & rationabiles causas ab eo expressas, dilectos Filios Presbyteros Regulares Societatis Jesu in dicta Civitate Macaonen. existentes, illorumque Ecclesiam, Collegium, ac Seminarium Ecclesiastico Interdicto supposuisset, idem Laurentius non modò Interdictum huiusmodi irritum, ac nullum temerè declaravit; verum etiam suo ad id promulgato Monitorio, seu Edicto, omnibus, & singulis Episcopatus Macaonen. Subditis, cuiuscumque tandem gradus, conditionis, & præminentiae existerent, nè cum Dilecto Filio Petro de Amaral Fratre expressè professo Ordinis Prædicatorum,

rum, qui pro debita eisdem Carolo Thomæ Cardinali semper, & constanter præstita obedientia, ærumnas plurimas magno, fortique animo sustinuit, alijsque Fratribus Conventus Macaonen. dicti Ordinis, immò nec cum alijs quibuscumque sive Laicis, sive Ecclesiasticis tam Sæcularibus, quàm Regularibus cuiuscumque Ordinis, seu Instituti dicto Carolo Thomæ Cardinali obedientiam exhibentibus; consortium vllum, seu commercium haberent, sub pœna excommunicationis per contravenientes eo ipso incurrenda, districtè prohibuit, ac interdixit, Quibus permotus, alijsque pluribus supradicti Laurentij reatibus attentis, idem Carolus Thomas Cardinalis ipsum Laurentium excommunicatum publicè declaravit, & tanquam putridum membrum à Christi fidelium consortio abscissum pronunciavit: Subindè verò prædictum Joannem Episcopum non modò eiusdem Laurentii sui asserti Vicarij generalis gesta temere, ac perperam propugnantem, sed etiam secundum duritiam suam, & impœnitens cor thesaurizantem sibi iram in die iræ, ac peccatum super peccatum adiicere non dubitantem, mense Septembri anni 1709. Dilecto Filio Promotore Fiscali suæ Apostolicæ Visitationis instante, ad comparandû infra annum in Alma Vrbe Nostri coram Nobis, ac se defendendum, & purgandum de excessibus in præjudicium Ecclesiæ, atque Apostolicæ Sedis prædictæ, & contra proprium juramentum Episcopale commissis, necnon ad dicendum causam quare contra ipsum ad depositionis, aliasque grauiores pœnas arbitrio Nostro irrogandas, procedi non deberet, citari, ac moneri iussit, & mandavit.

Cùm autem ea omnia, quæ adversus præfatum Carolum Thomam Cardinalem, sicut præmittitur, decreta, gesta, atque attentata fuerunt, quæque profectò non nisi summo omnium Christianifidelium horrore, ac mœrore audiri possunt, intolerabilem prorsus Ecclesiasticæ Immunitatis, Dei ordinatione, & Canonice Sanctionibus constitutæ, debitæque huic Sanctæ Sedi obedientiæ violationem, immo potiùs everfionem importent: adeoque Romanum Pontificem in suprema dictæ Sedis specula cum potestatis plenitudine ab Altissimo collocatum, ad quem in primis pertinent damna, & offensa, quæ Christis Domini inferuntur, in tanta, & tam gravi Divini omnis, atque humani juris perturbatione otiosum, ac desidem esse minime patiantur.

Hic

Hinc est, quòd Nos, qui ex commissi Nobis œœlitùs Pa-
 storaliſ officij debito quorumcumque eidem Apostolica Sedi,
 Sanctaq; Dei Ecclesiæ competentium jurium, necnon quarum-
 vis Ecclesiasticarum personarum, præsertim non minùs insigni-
 niùm meritorum, quàm sublimis in eadem Ecclesia gradus
 splendore fulgentium, libertatis, ac Dignitatis assertores in Ter-
 ris, ac vindices à Domino constituti sumus; tametsi dictus Ca-
 rolus Thomas Cardinalis, quantum sibi inter illas, in quibus
 versabatur, & forsàn adhuc etiam versatur, angustias, permis-
 sum fuit, ea omnia, quæ ad ipsius munus pertinebant, quæque
 proinde firma semper, & salva esse volumus, strenuè, ac fide-
 liter, vt præfertur, implere non prætermiserit: nihilominus Pon-
 tificij etiam Iudicij Nostri accessione Ecclesiasticæ Iurisdictionis
 indemnitati vberius consulere, Nostraque, & dictæ Sedis
 jura sacra, tecta, atque illibata, quantum Nobis ex alto conce-
 ditur, enixiùs tueri, & conservare cupientes, necnon omnium,
 & singulorum in præmissis, seu eorum occasione tam ab eisdem
 Ioanne Episcopo, ac Laurentio Gomez eius asserto Vicario
 generali, quàm à prædictis Officialibus, ac Ministris, aliisve qui-
 buscumque personis, siue Ecclesiasticis, siue Laicis quomodo-
 libet actorum, & gestorum seriem, causas, & circumstantias
 etiam aggravantes, necnon Officialium, Ministrorum, aliorum-
 que prælatorum qualitates, Dignitates, Nomina, & Cognomi-
 na, aliave quæcumque etiam specificam, & individuan mentionem,
 & expressiõnem requirentia, præsentibus proplenè, &
 sufficienter expressis, ac exactissime, & accuratissime specificatis
 habentes; Motu proprio, ac ex certa scientia, ac matura delibe-
 ratione Nostriſ, deque Apostolicæ potestatis plenitudine præfa-
 ta omnia, & singula Decreta, Monitoria, Ordinationes, Literas,
 Censuras, Declarationes, Resolutiones, Interdicta, Mandata, &
 Edicta, ac alia quælibet tam à Ioanne Episcopo, & Laurentio
 Gomez eius asserto Vicario generali, quàm ab Officialibus, &
 Ministris supradictis, alijsque quibusvis personis tam Sæculari-
 bus, siue Ecclesiasticis, siue Laicis, cuiuscumque tandem status,
 gradus, conditionis, & Dignitatis fuerint, quàm cuiusvis Ordini,
 Congregationis, Instituti, & Societatis, etiam Jesu, Re-
 gularibus in præmissis, siue eorum occasione adversùs perso-
 nam, seu Dignitatem supradicti Caroli Thomæ Cardinalis
 Commissarij, & Visitatoris generalis, seu aliàs in præjudi-
 cium

cium Libertatis , Immunitatis , & Jurisdictionis Ecclesiasticæ , atque authoritatis Apostolicæ respectivè quovis modo , edita , promulgata , scripta , lata , acta , facta , gesta , & perpetrata cum omnibus , & singulis inde sequutis , & forsàn quodcumque sequuturis , penitùs , & omninò nulla irrita , invalida , iniqua , injusta , damnata , reprobata , inania , temeraria , & à non habentibus potestatem damnabiliter attentata , ac de factò præsumpta , nulliusque roboris , & momenti , vel efficaciei esse , & ab initio fuisse , & perpetuò fore , neminemque ad illorum observantiam teneri , immò nec ea à quòpiam observari posse , vel potuisse , neque illa ullum litatum facere , vel fecisse , sed perinde , ac si nunquam emanassent , nec facta fuissent , pro non extantibus , & non factis perpetuò itidem haberi debere , tenore presentium declaramus . Et nihilominus ad maiorem , & abundantiore cautelam , & quatenus opus sit , illa omnia , & singula motu , scientia , deliberatione , & potestatis plenitudine paribus , harum serie damnamus , reprobamus , revocamus , cassamus , irritamus , annullamus , & abolemus , viribusque , & effectu penitùs , & omninò vacuumus , ac pro damnatis , reprobatis , revocatis , cassatis , irritis , nullis , invalidis , & abolitis , viribusque , & effectu penitùs , & omninò vacuis semper haberi volumus , & mandamus .

Firmas præterea , ac salvas esse similiter volumus , atque decernimus quascumque censuras , & pœnas Ecclesiasticas sive à jure , sive à præfato Carolo Thoma Cardinale latas , & promulgatas , quas præfati , & alij quilibet , qui præmissa perpetrarunt , necnon adherentes , fautores , & defensores eorum , sive qui illis auxilium , consilium , vel favorem quomodolibet præstiterunt , propter eadem præmissa quovis modo incurrerunt , à quibus post condignam Ecclesie præstitam satisfactionem , non nisi à Nobis , seu Romano Pontifice pro tempore existente , vel etiam ab ipso Carolo Thoma Cardinale , aliove Commissario , & Visitatore generali dictarum partium similiter pro tempore existente (præterquam in mortis articulo , & tunc cum reincidentia in easdem Censuras , eo ipso , quo convalescerint) absolvi , & liberari valeant . Facultate insuper non solum

No bis

8
Nobis, & huic Sanctæ Sedi, sed etiam ipsi Carolo Thomæ Cardinali, seu pro tempore existenti Commissario, & Visitatori generali prædicto expressè reservatâ, quatenus illi minimè redierint ad cor, sed in sua contumacia persistentes, Censuras, & pœnas Ecclesiasticas huiusmodi animo, quod absit, sustinuerint indurato, ad alia canonica, & severiora remedia quando-
cumque procedendi.

Uccernentes etiam easdem præsentis Litteras, & in eis contenta quæcumque, etiam ex eo, quod præfati, & alij quicumque in præmissis, seu eorum aliquo jus, vel interesse habentes, seu habere quomodolibet prætendentes, cuiusvis status, gradus, Ordinis, præminentia, & Dignitatis existant, seu aliâs specifica, & individua mentione, & expressione digni illis non consenserint, nec ad ea vocati, citati, & audiri, causaque, propter quas præsentis emanarint, sufficienter adductæ, verificatæ, & iustificatæ non fuerint, aut ex alia qualibet etiam quantumvis juridica, & privilegiata causa, colore, prætextu, & capite etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis Nostræ, vel interese habentium consensus, aliove quolibet etiam quantumvis magno, & substantiali, ac incogitato, & incogitabili defectu notari, impugnari, infringi, retractari, in controversiam vocari, aut ad terminos Juris reduci, seu adversus illas aperitionis oris, restitutionis in integrum, aliudve quodcumque iuris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato, quempiam in Judicio, vel extrâ illud uti, seu se juvare vlllo modo posse, sed ipsas præsentis Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inviolabiliter, & inconcusse observari; sicque & non aliter in præmissis per quoscumque Judices Ordinarios, & delegatos etiam Caesarum Palatii Apostolici Auditores, ac S. R. E. præfata Cardinales, etiam de Latere Legatos, & eiusdem Sedis Nuncios, aliosve quoslibet quacumque præminentia, & potestate fun-

*Gasada Parisique
inter Oja Parisique*

VERBA PER SS. D. N. CLEMEN-
tem Papam XI. habita in Consistorio
secreto ser. IV. 14 Octobris 1711.

DE OBITU CARDINALIS DE TOVRNON.

Venerabiles Fratres. Sapinus Nos ex hoc loco publica
mala deservimus: domesticam hodiè nostram,
ac vestram itidem iacturam dolemus; nisi tamen
& publica dici illa mereatur, quæ cum nostra,
& vestra sit, censeri etiam debet univèrsæ Eccle-
siæ calamitas. Benè iam intelligitis, de acervo Nos obitu
CAROLI THOMÆ Cardinalis de Tournon verba facturos.
Amisimus, Venerabiles Fratres, amisimus Orthodoxæ Reli-
gionis Zelatorem maximum: Pontificiæ authoritatis intrepit-
dum defensorem: Ecclesiasticæ Disciplinæ Assertorem fortif-
simum: magnum Ordinis vestri lumen, & ornamentum.
Amisimus Filium Nostrum Fratrem vestrum, plurimis, quos
pro Christi causâ suscepit, laboribus attritum: diuturnis, quas
pertulit, ærumnis confectum: contu melijs, quas forti, magno-
que animo suslinuit, innumeris, velut aurum in fornace proba-
tum. Hæc tamen, si rectè perpendantur, tantum ab est, vt ad
cumulandum luctum nostrum sint apta, vt potius omnem do-
loris sensum ab animis nostris abstergant. Neque enim, iuxta
monitum Apostoli, contristari de dormientibus debemus, sicut
& cæteri, qui spem non habent. Pretiosam in conspectu Do-
mini pijsissimi Cardinalis mortem fuisse, iuste sperare nos iubet
eximius ille Catholicæ Fidei propagandæ zelus, quo vbi primùm
ad Apostolicum Ministerium à Deo vocatus per Nos fuit, illic
humiliter obtemperans, Aulam, Urbem, Parentes, Consanguin-
eos, Amicos, eaque omnia, quæ natura cuique gratissima fa-
cit, alacri, sicuti nostis, animo dereliquit, longissimè que ite-
neri, ac periculorum pleno se committere non dubitavit. Spe-
rare nos iubet ardens illa charitas, quæ tot remotissimis Terra-
rum, Mariumque spatijs peragratis, nunquam fecit animam
suam pretiosiore, quàm se: ac foras missio timore, loquutus
fuit de testimonijs Domini in conspectu Regum, & non
fuit

fuit confusus: semperque in tribulationibus gaudens, pergratum Deo, & Angelis eius spectaculum exhibuit. Sperare nos iubet excelsus ille humanarum rerum contemptus, quo amplissimam dignitatem, ad quam, suis ita abunde exigentibus meritis, à Nobis euectus fuerat, & à qua nihil aliud, quam pro Ecclesia, & pro Christo vsque ad sanguinis effusionem inculsivè, imperterritè decertandi onus, ac monitum acceperat, dimissurum se potius, quam in Europam, Missionibus Sinicis derelictis, remigraturum, ferè ad nos scripsit, & palàm professus fuit. Sperare nos iubet singularis illa pietas, qua in supremis suis Tabulis, relicta pauperibus pecunià, consanguineis legata Cruce, propagandæ Fidei opus verè sanctissimum ex arte scripsit hæredem: illustre nobis documentum relinquens, quæ, & qualia esse debeant eorum testamenta, qui de Altari vixerunt, & Ecclesiæ ministerijs se addixerunt. Sperare nos demùm iubet invicta illa Sacerdotalis roboris constantia, qua Vir verè Apostolicus, tametsi sustentaretur pane tribulationis, & aquà angustia, officium tamen suum nunquam dimisit: ac non minùs diurnæ custodiæ iniurijs, quam alijs gravissimis vexationibus, ad supremum vsque vitæ spiritum fortiter toleratis, bonum certamen certavit, cursum consummavit, fidem fervavit. Quid ergo reliquum est, nisi quod & meritò etiam speremus, repositam ei fuisse coronam iustitiæ? Ita sanè, & iustè sperare nos convenit. Verùm quia id facit humana fragilitas, ut de mundano pulvere etiam religiosa corda sæpè fordescant, nostras pro defuncti Cardinalis anima ad Deum preces, atque suffragia decle, christianæ charitatis ratio non patitur. Id & privatim hætenus Nos ipsi sæpiùs agere non omisimus, ac, ut aliquid præter morem ergà insuetæ virtutis Viri memoriam peragamus, publicis insuper in Pontificio nostro Sacello Exequijs statà die vobis indicendà solemnè ritu præstabimus. Firmam interim in spem adducimur, fore, ut Cardinalis de Tournon Sinensem Missionem, quam vivens dilexit, etiàm è Cœlesti Statione benigno vultu respicere non dedignetur, suæque ope id in primis efficiat, ut quod ipse anxius adeo votis exoptavit, avulsis tandem ex illo agro, quæ inimicus homo superfeminavit, zizanijs, Catholicæ Fidelis seges illic reflorescat, & ad maiorem Divini Nominis gloriam vberius in dies multiplicetur.

fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si fecus super his à quoquam quavis auctoritate, scienter, vel ignoranter contigerit attentari. Non obstantibus præmissis, ac quatenus opus sit, Nostrâ, & Cancellariæ Apostolicæ Regulâ de jure quæsito non tollendo, alijsque Apostolicis, ac in Vniversalibus, Provincialibusque, & Synodalibus Concilijs editis generalibus, vel specialibus Constitutionibus, & Ordinationibus, necnon Ecclesiæ Macaonenfis, & quorumcumque Ordinum, Congregationum, Institutorum, & Societatum, etiam Jesu, alijsve quibusvis, etiam juramento, confirmatione Apostolicâ, vel quavis firmitate aliâ roboratis, Statutis, & consuetudinibus, ac vlibus, & stylis, etiam immemorabilibus; Privilegijs quoque, Indultis, & Literis Apostolicis Ecclesiæ Macaonen. Ordinibus, Congregationibus, Institutis, & Societatis, etiam Jesu, prædictis, illorumque respectivè Præsulibus, Superioribus & Personis, alijsque quibuslibet etiam quantumvis sublimibus, & specialissimâ mentione dignis, sub quibuscumque verborum tenoribus, & formis, ac cum quibusvis, etiam derogatariarum derogatorijs, alijsque efficacioribus, efficacissimis, & insolitis clausulis, irritantibusque, & alijs Decretis, etiam motu, scientia, & potestatis plenitudine similibus, seu ad quarumcumque personarum etiam Imperiali, Regali, aliave qualibet mundanâ, vel Ecclesiasticâ Dignitate fulgentium instantiam, aut earum contemplatione, seu aliâs quomodolibet in genere, vel in specie etiam consistorialiter in contrarium præmissorum concessis, editis, factis, ac pluriès iteratis, & quantiscumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & formâ in illis tradita observatâ, exprimerentur, & inferentur, presentibus pro plenè, & sufficienter, expressis, & insertis

10
habentes, illis aliàs in suo robore permanfuris, ad præmiſſorum effecum hac vice duntaxat ſpecialiter, & expreſſè derogamus, ac derogatum eſſe volumus, cæterisque contrarijs quibuſcumque. Volumus autem, ut earundem præſentium Literarum tranſumptis, ſeu exemplis, etiam impreſſis, manu alicujus Notarij publici ſubſcriptis, & ſigillo Perſonæ in Eccleſiaſtica Dignitate conſtitutæ munitis, eadem prorsus fides tam in Judicio, quàm extra illud ubique adhibeatur, quæ eiſdem præſentibus adhiberetur, ſi forent exhibitæ, vel offenſæ.
Datum Romæ Apud S. Petrum ſub Annulo Piſcatoris die 15-
Martij MDCCXI. Pontificatus Noſtri Anno XI.

F. Oliverius.

VER-